

ATANIUYUNUT NAUNAIQHIMAYUQ

Kitikmeot Inuliquitit-Maniliugutit Munaqhiniqmun Katimayigalaat((SEMC, uvaluuniin 'katimayiit')katimayut ukiumi katimadjutinik uvani Hikutirvia 3-1, 2016 Iqaluktuutiami uqautigiblugit aulahimayut ikayuutit havakniitigut havaaghat Nunavunmi uvalu aulahimayut Inuuhinut-Piyangaiyautikkut aalanguqniit iluani nunalaat. Una katimadjut upautiyuqagiaktuq havakvikyuanin uvalu kavamatkut havaktiin, ilauyut tikkuaqtauhimayun pingahut talimanin aviktughimayuni haamlatmin. Atauhiqmi napaanilu ubluni katimayut ilauyut uqaqtut kavamatkut havakviin uvalu havakvikyuanin, uvalu uqautigiblugu Inuliquitit-Maniliugutit ikayuutit uvalu qanugiliugutainik angiyut havauhiit havaktut Kitikmeoni.

Katimayut aulagutiyut naunaiyaqhimayumik ihivgiuniqumik haffumuuna SEMC uvalu ilauyut ihivgiuffaaqhugit ikayuutit havaknikkut hulidjutit uvalu hilakkut naunaiyaiyut ihivgiuffaaqniit aviktughimayuni kingungani ukiuk. Kihimi tadjja havaktuqangituq uyagaghiuqtunik Kitikmeoni, piqaqtuq angiyumik havaamik havaktunik uvalu aulagutighaanik havaktut, uvalu attauhiq havaaq havaliqtut mighaanun maligahatigut angigutinik.

Naittumik kangiqhipkailgaaqhutik hapkua ED&Tkut, katimayut katimahimaaqtut Kavamatkut katimapkaiyut. Una pidjutigiya piqatigiikhugu naunaitkutit mighainun havakviit hapkualu Iliniaqtuliyiyiit uvalu Nunavunmi Ilihaqpaallirvik. INACkutlu upautihimayut uvalu tunihiblulik haffuminga Nunavunmi Munaginikkut IUpalungaiyautinik (NGMP). Kinguliqpaamik, Kitikmeot Inuit Katimayiit tunihiyut uvalu tunihiyumablulik kangiqhidjutinik inmi ayuiqhautighatigut pinahuagutinik aviktuqniini.

TMAcKut Ikayuutit Inc. tunihiyut qanugidjutainik 2016 Doris Northkut Inuliquitit-Maniliugutit munaghiyut Havaanga (SEMP) uniudjutait, ilauyut naunaitkutait hamanga 2015min uvalu 2016min. TMAcKut naunaiyaiyut tadjja aalanguqniit Doris North SEMP, piyut ilaliutihimayunik nutaanik ilainik naunaitkutinik. Sabina Gold & Silver Corp. upautihimayunlu tunihiblulik kingungani kangiqhidjutinik uvuuna Back River Havaanganik ilauyut Inuuhinut-Piyangaiyautikkut Munaqhiniqmut uvalu qaiyut talvanga piyaghat pilaqtut pitaqni munariniqmut angigutinik. Aalat ilauyut Nunavunmi Nunavut Resources Corp. (Grays Baymi Apqutaa Tulaktaqvikhaqlu Havaakhaq), uvalu havaktit hapkunanga Polar Knowledge Canada uvalu Kaanatami Tunnganiitunik Ihivriuvvinga.

Doris Northkut tadjja havaktaghat uvalu aulagutighaanik havaktut, uvalu piqangituq angiyunik uyagaghiuqtunik tadjja havaktuqangituq, katimadjutinik aghut tugaaqhimayut nunalaanun, havakvikyuanun, uvalu kavamatkut uqautigiblugu una inuliquitit maniliugutit aktuanit uvalu hunanik Kitikmeot tautugumayut huvumuugutighanik. Katimayiit ilauyut uqautigiyaat ihagiahukniq hapkununga nunamingni ayuiqhaqnikkut piyaghanij hapkunanga qaiyunun havaaghanut, Uqauhikkut ayuqhautit uvalu ihumaluutit uqauhikkut tamaliqtumun, uvalu piliuqlulik ikayuqvikhanik ikiliyuumiqlugit uvalu hungiutilugit

ayukhautauniaqtut inuuhiqmun hulaqtuit. Piqaqtuq hakugiktumik ihumayut
angikliyuumiqlugu katimaffaliqata imaatun naalugik malguk ubluk piyaangani
piqagiangani uqautigiyaghanik uvalu tunihiyunik.